

2018-imut siumoortumik nalunaarsuineq

2018-imut skattekortimik eqqortumik pissaguit, piffissanngorpoq siumoortumik nalunaarsuinerimik allattuiffissamik immersuinissannut.

Akileraaruseriffiup 2016-imut aamma 2017-imut paasissutissat nalunaarsorneqarsimasut tunngavigalugit siumoortumik nalunaarsuineq ingerlatissavaa.

Paasissutissani naqinneqareersuni taakkunani eqqunngitsoqarpat imaluunniit paasissutissat amigategarpata siumoortumik nalunaarsuiffik paasissutissanik eqqortunik immersugaq Akileraartarnermut Aqutsisoqarfimmut nassitissavattaq.

2018-imut siumoortumik nammineerlutit nalunaarsuiniaruit allattuiffissatut immersugassamik ukunani aallersinnaavutit:

- Akileraartarnermut Aqutsisoqarfimmut
- Kommuniq allaffianut imaluunniit nunaqarfinni allaffimmut
- Nittartagaq www.aka.gl
- Nittartagaq www.sullissivik.gl

Siumoortumik nalunaarsuiffik piaartumik kingusinnerpaamillu 15. november 2017 Akileraartarnermut Aqutsisoqarfimmut nassiuuneqassaaq.

Inuit 2018-imut siumoortumik nalunaarsuiffimmik tunniussisussat makkuugajupput:

- Aningaasarsiat B-t akileraarutitaqanngitsut sinnerlugit B-nik aningaasarsiaqartut, imaluunniit
- Ilanngaata aalajangersimasoq sinnerlugu annertussusilinnik ilanngaatigineqarsinnaasunik ilanngaataisaqartut
- Namminersorlutik inuussutissarsiateqartut, akileraarutit B-nik naatsorsuiffigineqartussat imaluunniit tunisinermi allagartaliuuneqartussat

Aappariinnut katissimasunut malugeqquneqarpoq aappariinnik ataatsimut akileraarusiisarneq atorunnaarnikuummat. Tamanna isumaqarpoq aappariit katissimasut tamarmik immikkut siumoortumik nalunaarsuiffimmik immersuissammata.

2016-imut akileraarutissat sinnerinut akiligassat siumoortumik nalunaarsuinerimut ilanngunneqarneri

2016-imut inaarummik naatsorsuut malillugu akileraarutissat sinnerinut akiligassaqaleruit, Akileraartarnermut Aqutsisoqarfiup akiligassatit, tapiliussassaq 6 % ilanngullugu, 18.000 koruunit sinnersimangippagit, taava akiligassat siumoortumik nalunaarsortinninni ilanngullugit naatsorsuutigiumaarpai.

Tamanna isumaqarpoq 2016-imut akileraarutissat sinnerinut akiligassatit (annerpaamik 18.000 koruunit) tunngaviusumik akileraartarnermut ilanngaattissannit ilanngaatigineqarumaartut.

Akileraarutit sinnerinut akiligassanut tapiliusseq 6 %-iusoq sipaarussukkukku, periarfissaqarputit nammineq kajumissutsinnik kingusinnerpaamik 20. november 2017-mi akiliuteqarnissannut (§5 naapertorlugu akiliuteqarnissannut).

Malugiuk akiliineq naammassisimassaaq kingusinnerpaamik ulloq 20. november 2017, uppersarseqarsinnaassallunilu arlaatigut apeqquserneqassagaluarpat.

Akiliuteqarnek pissaaq Akileraartarnermut Aqutsisoqarfiup Grønlandsbanken A/S-mi kontoanut:

Reg. nr. 6471 kontonormu 1002608 akiliuteqarnermilu oqaasertaanut uku nalunaarutigineqasapput:

- Illit inuttut normut (Cpr.nr.)
- Akiliutit ukiumut aningaasarsiorfiusumut tunngasuunersaq: Ass. 2016
- § 5

Imatut immersorneqassaaq (ass.): 010101-0101 2016 §5

2018-imut skattekortissat december 2017-ip ingerlanerani tigunissaa naatsorsuutigisinnaavat.

Eqqortunik tunngaveqarluni siumoortumik nalunaarsuinerup ukiumi aningaasarsiorfiusumi 2018-imi eqqortunik akileraaruteqartinneqarnissat qulakkiisavaa.

www.aka.gl -ikkut aamma www.sullissivik.gl –ikkut siumoortumik nalunaarsuineq

Siumoortumik nalunaarsuiffimmuut allannguutit/paasissutissalluunniit nutaat Akileraartarnermut Aqutsisoqarfiup nammineq-toortaalluni-aaqqiissutaa www.aka.gl-imiittoq imaluunniit NemID-eqaruit www.sullissivik.gl-imi imminut sullinneq aqutugalugit nalunaarutigineqarsinnaapput, taamatullu aamma taakku arlaat aqutugalugit siumoortumik nalunaarsuiffik nassiunneqarsimasoq akuerisinnaal-lugu.

www.aka.gl-imiittoq nammineq-toortaalluni-aaqqiineq atorniarukku inuttut normut aammalu nammineq-toortaalluni-isissutissaaq siumoortumik nalunaarsuiffiup saqqaani allassimasoq atorneqassapput.

2018-imut siumoortumik nalunaarsuinermi immersugassamik naqeriikkamik tigusaqarsimangikkuit, Akileraartarnermut Aqutsisoqarfiimmuut saaffiginninnikkut pissarsiarisinnaavat, immersuiffissamilu tassani nammineq-toortaalluni-aaqqiinermi isissutissaaq allassimassaaq.

Paasissutissat annertunerusut www.aka.gl-imi alakkakkit.

Siumoortumik nalunaarsuiffimmik tunniussineq

Siumoortumik nalunaarsuiffiit Akileraartarnermut Aqutsisoqarfiimmuut tunniussinnaavat. Tamanna ima pisinnaavoq:

- Allakkerivikkut nassiussinikkut
- Faxikkut
- E-mailikkut (immersugaq atsiugaq qarasaasiatigut assileriarlugu ilanngullugu nassiullugu) uunga: tax@nanoq.gl
- www.aka.gl -ikkut
- www.sullissivik.gl -ikkut